



ISLAMSKA ZAJEDNICA U BOSNI I HERCEGOVINI
ISLAMSKA ZAJEDNICA BOŠNJAKA SJEVERNE AMERIKE
Islamic Community of Bosniaks in Washington

بِسْمِ اللَّهِ الرَّحْمَنِ الرَّحِيمِ

Esselamu Alejkum poštovana braćo i sestre Bošnjaci!

Kao i svaka institucija tako i ova naša Džamija i Islamski centar ima red po kojem bi svaki naš brat i sestra trebali da se ponašaju i odijevaju za vrijeme boravka u prostorijama Džamije i na posjedu Islamske zajednice Bošnjaka u Washington-u.

Braćo i sestre, ovo je kuća Allaha Dželle Šanuhu u koju mi muslimani dolazimo da vršimo naše vjerske obaveze i ibadete i da se u miru i dobru družimo i razgovaramo da bi naš Stvoritelj bio zadovoljan sa nama. Stoga Šeri`at nam nalaže da se ponašamo i oblačimo na način koji je primjeren jednom vjerniku ili vjernici.

Stoga, a na osnovu odluke o džamijskom-kućnom redu donesene i potpisane od strane Reis Ul Uleme Islamske zajednice u Bosni i Hercegovini, broj: 03-KM-832-1/07 od 16. Oktobra 2007. godine, odnosno 5. Ševvala 1428. Hidžretske godine, Izvršni-džematski odbor Islamske zajednice Bošnjaka u Washington-u donosi slijedeći:

P R A V I L N I K

o redu i ponašanju u Džamiji i Islamskom centru

Član 1

Islamska Zajednica Bošnjaka u Washington-u ima svoj objekat koji se sadrži od Džamije i Islamskog centra u ulici 20001 25th Ave NE-Shoreline, WA 98155. Džamija i Islamski centar ima prizemlje i sprat. U prizemlju se nalazi prostorija za okupljanje i socijalno druženje, kuhinja, dvije učionice i mokri čvor. Na spratu je molitveni dio sa dvije abdesthane i mokrim čvorovima. Ovaj pravilnik vazi za sve objekte Islamske zajednice za sad i u budućnosti, kao i za prostorije koje I.Z. iznajmljuje u iste svrhe.

Član 2

Braća i sestre koji ulaze u Džamiju treba da su odijeveni kao da će obaviti propisani namaz, a sestre koje ulaze u prostorije za klanjanje i obavljanje namaza obavezno trebaju biti pokrivena sa maramom. Sestre da izbjegavaju kratku, usku i prozirnu odjeću. Svi koji ulaze u prostorije Džamije i Islamskog centra

moraju se ponašati u duhu Islamskih propisa. Braca da izbjegavaju sorceve i prozirnu odjecu kao i istu sa neprimjernim slikama i likovima. Nije obavezno da se zene pokrivaju u prostorijama prizemlja ali moraju biti prikladno obucene.

Član 3

Od člana dva mogu se izuzeti osobe sa specijalnim fizickim potrebama i slicno. Izuzeće se odnosi na odjeću i obuću.

Član 4

Da se prostorije Džamije i Islamskog centra drže čiste i da svako počisti iza sebe poslije korištenja kuhinje, učionica, abdesthana i ostalih prostorija koje budu korištene a na osnovu dozvole Izvršnog-Džematskog odbora. Da se obavezno pokupi smeće i da se zamijene vreće u kantama za smeće kad se napune.

Član 5

U Džamiji i Islamskom centru se ne smije pušiti, niti piti alkoholna pića ili koristiti droge. Najstrožije se zabranjuje ulazak na imovinu Islamske Zajednice alkoholiziranim i drogiranim osobama. Osobe koje koriste ili puše cigarete da to rade na predviđenom mjestu na parkingu ispred Džamije, i da se opušci ne bacaju po parkingu i zemlji okolo Džamije.

Član 6

U Džamiji i Islamskom centru ne smije biti tučnjava, svadja, psovki, verbalnih grubih uvreda i galama. Takve osobe ce biti momentalno odstranjene.

Član 7

Svi oni koji se ne ponašaju ili izvrše radnju suprotnu Kur`anskim propisima i propisima ovog pravilnika biti će momentalno udaljeni iz Džamije i Islamskog centra, a Izvršni Odbor ce predložiti i sprovesti odgovarajuće sankcije za takve osobe.

Član 8

Da se prestane sa svim aktivnostima kad se čuje Ezan, tj. poziv na Namaz. Muškarci koji budu obavljali Namaz, to će učiniti u većem molitvenom dijelu, a žene na musanderi na spratu. O rasporedu safova je odgovoran Imam.

Član 9

Djeca ispod 10 godina moraju biti u pratnji odrasle osobe za vrijeme Namaza, Tevhida, Mevluda i sličnih aktivnosti.

Član 10

Pravilnik o Ponasanju u Džamiji i Islamskom Centru

Korisnici kuhinje i donje prostorije da nadoknade namirnice potrošene iz kuhinje kao što su: kahva, šećer, voda, sokovi i slicno.

Član 11

Prostorije Džamije i Islamskog centra moraju biti besprijekorno i maksimalno čiste i uredne. Za čistocu i urednost Džamije i Islamskog centra odgovoran je Izvršni-Džematski Odbor ili osoba/osobe koje zaduži Izvršni-Džematski odbor. U prostorijama u prizemlju ne može se hodati u obući tamo gdje su prostrti ćilimi ili je postavljen etison. U molitveni dio džamije zabranjeno je ulaziti u obući. Radi sigurnosti svih, obuća se mora odložiti na policu pri ulasku na namaz.

Član 12

Prostorije Džamije i Islamskog centra u prizemlju mogu se koristiti namjenski o čemu uvijek odlučuje Izvršni-Džematski Odbor. Džematlije moraju kontaktirati Imama ili Sekretara na vrijeme za korištenje prostorija zbog provjere vremenske dostupnosti istih.

Član 13

Svi otpadci, flase i slicno se moraju baciti u kantu za smeće pri izlasku iz džamije. Na gornjem molitvenom djelu džamije ne može se unositi ili koristiti bilo kakva hrana ili pice, osim vode.

Član 14

U prizemlju (a po potrebi i na spratu) se izvodi mektebska i ostala nastava koja se tiče nase vjere, kulture, tradicije i historije. Nastava će se održavati u vremenu kada se ne klanjaju Namazi. Za vrijeme izvodjenja nastave djeca ne smiju hodati i galamiti. Za tišinu i disciplinovan rad nastave odgovorni su Imam i ostali nastavnici (ako ih ima). Oni snose punu odgovornost za djecu od momenta prijema do predaje djece roditeljima. Imam ima pravo da se obrati roditeljima i Izvršnom Odboru sa svim disciplinskim pitanjima.

Član 15

Roditelji djece su odgovorni za nastalu štetu ako je djeca urade u ili izvan Džamije i Islamskog centra. Oni moraju nadoknaditi štetu Islamskoj Zajednici, a sve u dogovoru sa Izvršnim-Džematskim Odborom.

Član 16

Kao i svaka institucija i naša Džamija ima troškove održavanja, stoga je preporučljivo da svi korisnici budu redovni članovi ili da se prije korištenja prostorija Džamije učlane (ako nisu članovi) u Islamsku zajednicu, da bi i dalje mogli da ustrajemo u našem svakodnevnom radu i da služimo našu zajednicu.

Član 17

U prizemlju Džamije i Islamskog centra, prostorije se mogu i namjenski koristiti u svrhe nasih dzematlija koje su u duhu Islama, druženja i dzemata. Redovne dzematlije imaju pravo besplatno da koriste prostorije dzamije sa predhodnom najavom Izvrsnom Odboru. Ne-profitabilne organizacije Bosnjackog predznaka mogu iznajmiti nase prostorije za jednokratnu upotrebu besplatno sa preporukom Odbora za dobrovoljni prilog, sve uz dozvolu Izvrsnog Odbora. Svi ostali mogu se koristiti prostorijama samo sa dozvolom Izvrsnog Odbora i u skladu sa ovim Pravilnikom uz naknadu od \$150 za 6 sati. Svi iznajmljivači prostorija i inventara, ako pričine štetu, dužni su odmah izvršiti nadoknadu. Nefitabilne organizacije koje redovne koriste dzamijski prostor moraju imati sklopljen ugovor sa Islamskom Zajednicom. Prioritet pri iznajmljivanju imaju vjerske aktivnosti.

Član 18

Iznajmljivanje prostorija Izvršni-Džematski odbor odobrava preko Imama ili Sekretara. Pri davanju prostora, iznajmljivač će potpisati izjavu kojom će se obavezati za poštivanje pravilnika o džamijskom-kućnom redu i nadoknaditi štetu ako istu počini. Zakupnina se plaća odmah uz \$100 depozit. Svi korisnici moraju uplatiti deposit, koji je povratan. Depozit je nepovratan u slučaju da prostorije ne budu u zatečenom stanju.

Član 19

U prostorije u prizemlju Džamije i Islamskog centra strogo se zabranjuje unošenje i korištenje alkoholnih pića. Po završetku određene svečanosti ili programa iznajmljivač je dužan predati prostorije u zatečenom stanju za povrat depozita.

Član 20

Pitanja u vezi bilo kojih od gore nevedenih pravila ili članova pravilnika obratite se Izvršnom-džematskom Odboru Islamske zajednice Bošnjaka u Washington-u

Izvršni-Džematski Odbor
Islamske zajednice Bošnjaka u Washington-u.